

# LÖG VFÍ 2017 (*Breytingartillögur lagðar fyrir aukaaðalfund 25. janúar 2018*).

## 4. gr. Skilyrði um félagsaðild

Almennir félagar geta orðið:

1. Þeir sem lokið hafa viðurkenndri prófgráðu í verkfræði eða tæknifræði, svo og þeir sem lokið hafa viðurkenndri prófgráðu í þeim vísindagreinum sem verkfræðin og tæknifræðin byggjast á, s.s. eðlisfræði, efnafræði og stærðfræði.
2. Stjórn félagsins getur boðið fræðimönnum í raunvísindum og framkvæmdamönnum að gerast almennir félagar, enda mæli sérstakar ástæður með því.
3. Verkfræðinemar, tæknifræðinemar og nemar í vísindagrein sem verkfræðin byggist á geta orðið ungfélagar. Ungfélagar hafa takmörkuð réttindi og skyldur meðan þeir stunda námið.

## 4. gr. Skilyrði félagsaðildar

Félagar í VFÍ geta orðið:

1. Almennir félagar geta þeir orðið sem hafa lokið viðurkenndri prófgráðu í verkfræði eða tæknifræði, svo og þeir sem lokið hafa viðurkenndri prófgráðu í þeim **fræðum** sem verkfræðin og tæknifræðin byggjast á, s.s. eðlisfræði, efnafræði og stærðfræði. **Allir félagar í VFÍ teljast almennir félagar fyrir utan ungfélaga.**
2. Stjórn félagsins getur boðið fræðimönnum í raunvísindum og framkvæmdamönnum að gerast almennir félagar, enda mæli sérstakar ástæður með því.
3. Verkfræðinemar, tæknifræðinemar og nemar í vísindagrein sem verkfræðin byggist á geta orðið ungfélagar. Ungfélagar hafa takmörkuð réttindi og skyldur meðan þeir stunda námið.

## 5. gr. Heiðursfélagar

Stjórn félagsins getur kosið sem heiðursfélaga sérhvern þann einstakling er leyst hefur af hendi mikilsverð störf á sviði verkfræði, tæknifræði eða vísinda. Til kjörs heiðursfélaga þarf samhljóða atkvæði allra stjórnarmanna. Stjórn félagsins getur veitt heiðursmerki í viðurkenningarskyni fyrir vel unnin störf á sviði verkfræði, tæknifræði eða í þágu félagsins.

## 5. gr. Heiðursfélagar

Stjórn félagsins getur, **að tillögu merkisnefndar sem starfar hjá félaginu**, kosið sem heiðursfélaga sérhvern þann einstakling er leyst hefur af hendi mikilsverð störf á sviði verkfræði, tæknifræði eða vísinda. Til kjörs heiðursfélaga þarf samhljóða atkvæði allra stjórnarmanna. Stjórn félagsins getur, að tillögu merkisnefndar, veitt heiðursmerki í viðurkenningarskyni fyrir vel unnin störf á sviði verkfræði, tæknifræði eða í þágu félagsins.

## 7. gr. Úrsögn

Úrsögn úr félaginu skal send félagsstjórn. Úrsögn fær gildi 4 mánuðum eftir að hún berst félaginu. Eigi Kjaradeild félagsins í kjaradeilum á þeim tíma sem úrsögn er að öðlast gildi, getur stjórn félagsins framlengt úrsagnarfrest þess félagsmanns sem tilheyrir Kjaradeild uns deilu lýkur.

## 7. gr. Úrsögn

Úrsögn úr félaginu skal vera skrifleg og send félagsstjórn. Úrsögn **tekur** gildi 4 mánuðum eftir að hún berst félaginu. Eigi Kjaradeild félagsins í kjaradeilum getur stjórn félagsins framlengt úrsagnarfrest þennan uns deilu lýkur tilheyrir félagsmaður Kjaradeild.

## 8. gr. Réttindi og skyldur

Félagsmönnum er skylt að fara eftir lögum félagsins, siðareglum og öðrum samþykktum þess.

Almennir félagar hafa rétt til að kenna sig við félagið og nota skammstöfun félagsins með nafni sínu. Almennir félagar og heiðursfélagar hafa rétt til að vera félagar í einni eða fleiri deildum félagsins með þeim takmörkunum sem reglur þeirra segja til um, sjá 12., 13. gr. og 14. gr. Atkvæðisrétt um öll félagsleg málefni hafa almennir félagar, enda séu þeir skuldlausir við félagið, svo og heiðursfélagar. Almennir félagar eru kjörgengir til stjórnarkjörs í félaginu. Ungfélögum er heimil þátttaka í viðburðum á vegum félagsins. Að jafnaði hafa þeir ekki önnur réttindi í félaginu.

## 8. gr. Réttindi og skyldur

**(Ekki efnislegar breytingar á 8. grein. Uppsetningu breytt).**

Atkvæðisrétt um öll félagsleg málefni eiga almennir félagar, enda séu þeir skuldlausir við félagið, svo og heiðursfélagar, nema á annan veg sé mælt í lögum þessum.

Almennir félagar eru kjörgengir til stjórnarkjörs í félaginu enda uppfylli þeir einnig skilyrði 11. gr. Almennir félagar eiga rétt á að kenna sig við félagið og nota skammstöfun félagsins með nafni sínu.

Allir félagsmenn eiga rétt á aðild að einni eða fleiri deildum félagsins með þeim takmörkunum sem reglur þeirra segja til um, sjá 12., 13. gr. og 14. gr.

Ungfélögum er heimil þátttaka í viðburðum á vegum félagsins en að jafnaði skulu þeir ekki njóta annarra réttinda í félaginu.

Félagsmönnum er skylt að fara eftir lögum félagsins, siðareglum og öðrum samþykktum þess **við störf sín**. Félagsmenn skulu jafnframt greiða félagsgjald eins og það er ákveðið hverju sinni á aðalfundi.

## 9. gr. Málskot

Ágreiningi, sem rísa kann á milli einstakra félagsmanna annars vegar og félagsstjórnar hins vegar um rétt eða skyldur félagsmanna, má vísa til félagsfundar og er úrskurður hans endanlegur. Komi félagsmaður fram á þann hátt að ekki samræmist tilgangi félagsins, hag eða heiðri getur stjórn lagt til að honum verði vikið úr félaginu. Endanlega ákvörðun um brottrekstur tekur félagsfundur og þarf 2/3 atkvæða á félagsfundi þar sem slíkt mál er til meðferðar samkvæmt fundarboði.

## 9. gr. Málskot og brottvikning

Ágreiningi, sem rísa kann á milli einstakra félagsmanna annars vegar og félagsstjórnar hins vegar um rétt eða skyldur félagsmanna **gagnvart félaginu**, má vísa til félagsfundar og er **niðurstaða** hans endanleg.

Komi félagsmaður fram á þann hátt að ekki samræmist tilgangi félagsins, hag eða heiðri getur stjórn lagt til að honum verði vikið úr félaginu. Endanlega ákvörðun um brottrekstur tekur félagsfundur og þarf 2/3 atkvæða á félagsfundi þar sem slíkt mál er til meðferðar samkvæmt fundarboði.

**Áður en til atkvæðagreiðslu kemur skal félagsmanni gefinn kostur á að koma á framfæri skriflegum sjónarmiðum við stjórn félagsins. Brottvikningu er eingöngu beitt ef sakir eru miklar eða brot ítrekuð.**

## 10. gr. Skipulag

Aðalfundur fer með æðsta vald í málefnum félagsins. Starfsemi félagsins milli aðalfunda er í höndum stjórnar undir forystu formanns. Félagsmenn tilheyra annað hvort Kjaradeild sbr. gr. 12 eða Deild stjórnenda og sjálfstætt starfandi sbr. gr. 13. Aðrar deildir og fastanefndir starfa innan félagsins að sérstökum málefnum.

## 10. gr. Skipulag

Aðalfundur fer með æðsta vald í málefnum félagsins. Starfsemi félagsins milli aðalfunda er í höndum stjórnar undir forystu formanns.

**Almennir félagsmenn, sbr. 4. grein**, tilheyra annað hvort Kjaradeild sbr. 12 gr. eða Deild stjórnenda og sjálfstætt starfandi sbr. 13. gr. Aðrar deildir og fastanefndir starfa innan félagsins að sérstökum málefnum.

## 11. gr. Stjórn

Í stjórn sitja:

1. Formaður kosinn til tveggja ára annað hvert ár.
2. Fjórir meðstjórnendur kosnir til tveggja ára annað hvert ár, tveir kosnir hvort árið um sig.
3. Tveir varamenn kosnir til tveggja ára annað hvert ár.

Endurkjör formanns er heimilt einu sinni. Samfelld stjórnarseta getur mest verið 6 ár. Kosning fer fram með bréflægum eða rafrænum hætti í aðdraganda aðalfundar. Úrslit kosninga eru kynnt á aðalfundi. Formaður er kosinn sérstaklega en að öðru leyti skiptir stjórnin með sér verkum. Stjórnin setur sér starfsreglur. Auk kosinna stjórnarmanna og framkvæmdastjóra sitja fundi stjórnar, með málfrelsi og tillögurétti, formenn Kjaradeildar og Deildar stjórnenda og sjálfstætt starfandi.

Stjórnin heldur fundi þegar formaður ákveður eða einhver stjórnarmanna óskar. Formaður stýrir fundum.

**Ákvæði til bráðabirgða:** Á stofnfundi, haustið 2016, verður sérafbrigði þar sem kosinn verður formaður til tveggja ára (eða til aðalfundar 2019), óháð aðildarfélagi, ásamt þremur meðstjórnendum kosnum til tveggja ára (til aðalfundar 2019), einum frá TFÍ og tveimur frá VFÍ og þremur meðstjórnendum kosnum til eins árs (til aðalfundar 2018), einum frá TFÍ og tveimur frá VFÍ. Þrír varamenn verða kosnir til tveggja ára (til aðalfundar 2019), einn frá TFÍ og tveir frá VFÍ.

Fyrsta stjórn hins nýja félags tekur við undirbúningi að stofnun hins nýja félags á

stofnfundi og tekur síðan formlega til starfa um leið og félagið eða hinn 1. janúar 2017.

## 11. gr. Stjórn

**(Skept er á ábyrgð stjórnar, sérstaklega gagnvart sjóðum, og starfsháttum stjórnar einnig verða formenn Kjaradeildar og Deildar stjórnenda og sjálfstætt starfandi fullgildir stjórnarmenn. Endurkjör formanns verður nú heimilt tvisvar, var einu sinni).**

Stjórn stýrir málefnum félagsins milli félags- og aðalfunda. Stjórnin sér til þess að skipulag og starfsemi félagsins sé jafnan í réttu og góðu horfi og í samræmi við lög félagsins. Stjórn skal jafnframt annast um að nægilegt eftirlit sé haft með bókhaldi og meðferð fjármuna sem eru á ábyrgð félagsins. Stjórn tekur allar meiriháttar ákvarðanir sem snúa að fjármálum félagsins. Stjórn fylgist með störfum deilda sem eru eða kunna að verða starfræktar. Stjórn skal ráða framkvæmdastjóra og fela honum daglegan rekstur skrifstofu félagsins, sbr. 24. gr.

Í stjórn sitja:

1. Formaður kosinn á aðalfundi til tveggja ára í senn.
2. Tveir meðstjórnendur, sem eru kosnir á aðalfundi til tveggja ára, sinn meðstjórnarmaðurinn annað hvert ár.
- 3. Tveir meðstjórnendur, formaður Kjaradeildar og formaður Deildar stjórnenda og sjálfstætt starfandi hverju sinni. Við forföll er þeim heimilt að kalla til varaformenn sína.**
4. Tveir varamenn, kosnir á aðalfundi til tveggja ára í senn, sinn varamaðurinn annað hvert ár.

Endurkjör formanns er heimilt **tvisvar**. Samfelld stjórnarseta meðstjórnenda og varamanna getur mest verið 6 ár. Kosning stjórnarmanna fer fram með bréflegum eða rafrænum hætti í aðdraganda aðalfundar. Aðeins félagsmenn viðkomandi deilda njóta kosningaréttar að því er varðar meðstjórnendur skv. 3. tl., sbr. 12. og 13. gr. Formaður er kosinn sérstaklega en að öðru leyti skiptir stjórnin með sér verkum. Stjórnin setur sér starfsreglur í samræmi við lög þessi og skulu þær vera aðgengilegar félagsmönnum.

Stjórnin heldur fundi þegar formaður ákveður eða einhver stjórnarmanna óskar. Formaður stýrir fundum.

Stjórnarmenn skulu vera fjár síns ráðandi og mega ekki hafa á sl. 5 árum hlotið refsidóm. Missi stjórnarmaður hæfi sitt tekur varamaður tafarlaust sæti hans. Við meðferð einstakra mála skal stjórnarmaður víkja sæti ef hann hefur þar verulegra hagsmuna að gæta sem farið geta í bága við hagsmuni félagsins.

*(Ákvæði til bráðabirgða, sbr. eldri 11. grein helst inni fram yfir aðalfund 2018)*

## 12. gr. Kjaradeild

Kjaradeild er deild launþega innan VFÍ. Þeir félagsmenn einir, sem eru launþegar á grundvelli laga nr. 80/1938 ásamt síðari breytingum um stéttarfélög og vinnudeilur eða laga nr. 94/1986 ásamt síðari breytingum um kjarasamninga opinberra starfsmanna, geta átt aðild að Kjaradeild. Aðeins þeir sem tilheyra deildinni eru kjörgengir og hafa atkvæðisrétt í kosningu til stjórnar deildarinnar.

Stjórn Kjaradeildar er skipuð fimm félagsmönnum, sem kosnir eru í almennri bréflegri eða rafrænni kosningu fyrir aðalfund til tveggja ára í senn, þrír annað árið en tveir hitt árið.

Varamenn í stjórn Kjaradeildar eru tveir kosnir til tveggja ára, annar kosinn annað árið, hinn

kosinn hitt árið. Formaður er kosinn sérstaklega en að öðru leyti skiptir stjórnin með sér verkum og setur sér starfsreglur. Samfelld seta í stjórn Kjaradeildar getur mest verið 6 ár.

Hlutverk stjórnar Kjaradeildar er að:

1. Annast gerð kjarasamninga og skipa samninganefndir eftir þörfum.
2. Setja reglur fyrir sjóði sem samið er um í kjarasamningum.
3. Skipa stjórnir fyrir sjóði sem samið er um í kjarasamningum.
4. Hafa umsjón með og sinna málefnum félagsmanna Kjaradeildar VFÍ.
5. Annast allsherjaratkvæðagreiðslur, sjá 22. gr.
6. Hafa samráð um ráðningu yfirmanns kjarasviðs, sjá 24. gr.

Kjaradeild hefur fullt sjálfstæði um málefni sem um er fjallað í 12. gr.

**Ákvæði til bráðabirgða:** Í stjórn Kjaradeildar skal fyrst kosið á stofnfundi haustið 2016 þannig að þrír aðalmenn skulu kosnir til tveggja ára (til aðalfundar 2019), tveir aðalmenn til eins árs (til aðalfundar 2018), einn varamaður til tveggja ára (til aðalfundar 2019) og tveir varamenn til eins árs (til aðalfundar 2018). Við fyrstu kosningu í stjórn Kjaradeildar skal þess gætt að stjórnin sé bæði skipuð fulltrúum frá verkfræðingum og tæknifræðingum.

## 12. gr. Kjaradeild

Kjaradeild er deild launþega innan VFÍ. Þeir félagsmenn einir, sem eru launþegar á grundvelli laga nr. 80/1938 ásamt síðari breytingum um stéttarfélög og vinnudeilur eða laga nr. 94/1986 ásamt síðari breytingum um kjarasamninga opinberra starfsmanna, geta átt aðild að Kjaradeild. Aðeins þeir sem tilheyra deildinni eru kjörgengir og hafa atkvæðisrétt í kosningu til stjórnar deildarinnar.

Stjórn Kjaradeildar er skipuð fimm félagsmönnum, sem kosnir eru í almennri bréflægri eða rafrænni kosningu fyrir aðalfund til tveggja ára í senn, þrír annað árið en tveir hitt árið. Varamenn í stjórn Kjaradeildar eru tveir kosnir til tveggja ára í senn, annar kosinn annað árið, hinn kosinn hitt árið. Formaður er kosinn sérstaklega en að öðru leyti skiptir stjórnin með sér verkum og setur sér starfsreglur sem stjórn VFÍ staðfestir. **Formaður stjórnar Kjaradeildar skal sitja í stjórn VFÍ, sbr. 3. tl. 11. gr. Stjórn Kjaradeildar skal a.m.k. tvisvar á ári, halda stjórn VFÍ upplýstri um þau málefni deildarinnar sem máli kunna að skipta fyrir félagið, þ.m.t. um úthlutunarreglur, ávöxtunarleiðir og uppgjör sjóða.** Samfelld seta í stjórn Kjaradeildar getur mest verið 6 ár. **Stjórnarmenn skulu uppfylla hæfisskilyrði 11. gr.**

Hlutverk stjórnar Kjaradeildar er að:

1. Annast gerð kjarasamninga og skipa samninganefndir eftir þörfum.
2. Setja reglur fyrir sjóði sem samið er um í kjarasamningum.
3. Skipa stjórnir fyrir sjóði sem samið er um í kjarasamningum.
4. Hafa umsjón með og sinna málefnum félagsmanna Kjaradeildar VFÍ.
5. **Halda stjórn VFÍ upplýstri um fjárhagsstöðu þeirra sjóða sem henni tilheyra.**
6. Annast allsherjaratkvæðagreiðslur, sjá 22. gr.
7. Hafa samráð um ráðningu yfirmanns kjarasviðs, sjá 24. gr.

**Að því leyti sem ekki er mælt á annan veg í lögum þessum hefur Kjaradeild sjálfstæði um þau málefni sem um er fjallað í 12. gr.**

(Ákvæði til bráðabirgða, sbr. eldri 12. grein helst inni fram yfir aðalfund 2018)

### 13. gr. Deild stjórnenda og sjálfstætt starfandi

Deild stjórnenda og sjálfstætt starfandi hefur umsjón með og sinnir málefnum stjórnenda og sjálfstætt starfandi félagsmanna innan VFÍ, svo og annarra sem kjósa að standa utan Kjaradeildar. Aðeins þeir sem tilheyra deildinni eru kjörgengir og hafa atkvæðisrétt í kosningu til stjórnar deildarinnar.

Stjórn Deildar stjórnenda og sjálfstætt starfandi er skipuð þremur félagsmönnum, sem kosnir eru í almennri bréflægri eða rafrænni kosningu fyrir aðalfund til tveggja ára í senn, tveir annað árið en einn hitt árið. Einn varamann skal kjósa í stjórn Deildar stjórnenda og sjálfstætt starfandi til eins árs. Formaður er kosinn sérstaklega en að öðru leyti skiptir stjórnin með sér verkum og setur sér starfsreglur. Samfelld seta í stjórn deildarinnar getur mest verið 6 ár.

**Ákvæði til bráðabirgða:** Í Deild stjórnenda og sjálfstætt starfandi skal fyrst kosið á stofnfundi haustið 2016 þannig að tveir aðalmenn skulu kosnir til tveggja ára (til aðalfundar 2019), einn aðalmaður til eins árs (til aðalfundar 2018), einn varamaður til eins árs (til aðalfundar 2018). Við fyrstu kosningu í stjórn deildarinnar skal þess gætt að hún sé bæði skipuð fulltrúum frá verkfræðingum og tæknifræðingum.

### 13. gr. Deild stjórnenda og sjálfstætt starfandi

Deild stjórnenda og sjálfstætt starfandi hefur umsjón með og sinnir málefnum stjórnenda og sjálfstætt starfandi félagsmanna innan VFÍ, svo og annarra sem kjósa að standa utan Kjaradeildar.

Meginverkefni deildarinnar er að stuðla að virkri samfélagsumræðu um málefni á áhugasviði félagsmanna meðal annars með því að standa fyrir opnum fundum.

Aðeins þeir sem tilheyra deildinni eru kjörgengir og hafa atkvæðisrétt í kosningu til stjórnar deildarinnar.

Stjórn Deildar stjórnenda og sjálfstætt starfandi er skipuð þremur félagsmönnum, sem kosnir eru í almennri bréflægri eða rafrænni kosningu fyrir aðalfund til tveggja ára í senn, tveir annað árið en einn hitt árið. Einn varamann skal kjósa í stjórn Deildar stjórnenda og sjálfstætt starfandi til eins árs. Formaður er kosinn sérstaklega en að öðru leyti skiptir stjórnin með sér verkum og setur sér starfsreglur **sem stjórn VFÍ staðfestir. Formaður stjórnar Deildar stjórnenda og sjálfstætt starfandi skal sitja í stjórn VFÍ, sbr. 3. tl. 11. gr.** Samfelld seta í stjórn deildarinnar getur mest verið 6 ár. **Stjórnarmenn skulu uppfylla hæfisskilyrði 11. gr. Stjórn deildarinnar skal halda stjórn VFÍ upplýstri um fjárhagsstöðu deildarinnar og önnur málefni sem kunna að hafa þýðingu fyrir félagið.**

(Ákvæði til bráðabirgða, sbr. eldri 13. grein helst inni fram yfir aðalfund 2018)

### 19. gr. Aðalfundur

Aðalfundur skal haldinn fyrir lok aprílmánaðar ár hvert. Aðalfund og aukaaðalfund skal boða bréfléga eða rafrænt til allra félagsmanna með minnst 14 daga fyrirvara. Dagskrá fundarins skal tilkynnt í fundarboði, svo og allar tillögur sem þurfa samþykki aðalfundar samkvæmt félagslögum. Slíkar tillögur frá félagsmönnum skulu hafa borist stjórninni fyrir 15. febrúar. Verði á aðalfundi verulegar efnisbreytingar á áður kynntum tillögum skal afgreiðslu þeirra frestað og boðað til aukaaðalfundar eða allsherjaratkvæðagreiðslu.

Stjórn tilkynnir félagsmönnum, eigi síðar en 1. febrúar, hverjir ganga úr stjórn á næsta aðalfundi og auglýsir eftir tillögum félagsmanna um stjórnarmenn í aðalstjórn og stjórnir

Kjaradeildar og Deildar stjórnenda og sjálfstætt starfandi. Tillögur félagsmanna skulu vera skriflegar og hafa borist stjórninni fyrir 15. febrúar. Að þeim fresti útrunnum skal kynna formannsefnum uppástungur sem borist hafa. Eigi síðar en með aðalfundarboði sendir stjórnin félagsmönnum kjörseðla með nöfnum allra þeirra, sem stungið hefur verið upp á.

Aðalfundur og aukaaðalfundur eru löglegir, sé löglega til þeirra boðað. Skýrsla stjórnar skal liggja frammi á aðalfundi.

Á aðalfundi skulu tekin fyrir þessi mál, í þessari röð:

1. Skýrsla stjórnar um störf félagsins á liðnu ári
2. Reikningsskil
3. Fjárhagsáætlun og ákvörðun félagsgjalda
4. Tillögur félagsstjórnar
5. Lýst kosningu stjórnar
6. Kjör endurskoðanda og skoðunarmanns
7. Lýst kosningu í stjórn Kjaradeildar félagsins
8. Lýst kosningu í stjórn Deildar stjórnenda og sjálfstætt starfandi
9. Laun formanns og stjórnarmanna
10. Lagabreytingar
11. Önnur mál

### 19. gr. Aðalfundur

Aðalfundur skal haldinn fyrir lok aprílmánaðar ár hvert. Aðalfundur og aukaaðalfundur skal boðað bréflaga eða rafrænt til allra félagsmanna með minnst 14 daga fyrirvara. Dagskrá fundarins skal tilkynnt í fundarboði, svo og allar tillögur sem þurfa samþykki aðalfundar samkvæmt félagslögum. Slíkar tillögur frá félagsmönnum skulu hafa borist stjórninni fyrir 15. febrúar. Verði á aðalfundi verulegar efnisbreytingar á áður kynntum tillögum skal afgreiðslu þeirra frestað og boðað til aukaaðalfundar eða allsherjaratkvæðagreiðslu.

Stjórn tilkynnir félagsmönnum, eigi síðar en 1. febrúar, hverjir ganga úr stjórnnum á næsta aðalfundi og auglýsir eftir tillögum félagsmanna um stjórnarmenn í aðalstjórn og stjórnir Kjaradeildar og Deildar stjórnenda og sjálfstætt starfandi. Tillögur félagsmanna skulu vera skriflegar og hafa borist stjórninni fyrir 15. febrúar. Að þeim fresti liðnum skal kynna formannsefnum uppástungur sem borist hafa. Eigi síðar en með aðalfundarboði sendir stjórnin félagsmönnum kjörseðla með nöfnum allra þeirra, sem stungið hefur verið upp á.

Aðalfundur og aukaaðalfundur eru löglegir, sé löglega til þeirra boðað. Skýrsla stjórnar skal liggja frammi á aðalfundi.

Á aðalfundi skulu tekin fyrir þessi mál, í þessari röð:

1. Skýrsla stjórnar um störf félagsins á liðnu ári
2. **Reikningar félagsins, þ.m.t. reikninga deilda og sjóða félagsins, fyrir undanfarandi starfsár lagðir fram til samþykkis**
3. Fjárhagsáætlun og ákvörðun félagsgjalda
4. Tillögur félagsstjórnar
5. Lýst kosningu stjórnar
6. Kjör endurskoðanda og skoðunarmanns
7. Lýst kosningu í stjórn Kjaradeildar félagsins
8. Lýst kosningu í stjórn Deildar stjórnenda og sjálfstætt starfandi

9. Laun formanns og stjórnarmanna

## 10. Laga-og reglugerðarbreytingar

11. Önnur mál

### 23. gr. Félagsgjöld

Aðalfundur ákveður almennt félagsgjald fyrir næsta almanaksár.

Gjalddagi félagsgjalda er 1. apríl ár hvert. Heimilt er að greiða árgjald með jöfnum afborgunum að höfðu samráði við skrifstofu. Lendi félagsmaður í vanskilum með árgjald sitt er heimilt að láta hann bera innheimtukostnað auk vaxta.

Skuldi félagsmaður árgjöld tveggja ára getur stjórnin fellt nafn hans af félagaskrá að undan-genginni skriflegri viðvörðun. Félagsmaður öðlast félagsréttindi sín á ný þegar árgjaldaskuldin er að fullu greidd.

Félagar búsettir erlendis greiða hálf félagsgjald. Ungfélagar, félagar sem eru í fullu námi og heiðursfélagar greiða ekki félagsgjöld. Félagar eldri en 70 ára og félagar 65 ára og eldri sem hættir eru störfum greiða 1/10 félagsgjalds. Stjórn getur tekið ákvörðun um eftirgjöf hluta félagsgjalds.

### 23. gr. Félagsgjöld

Aðalfundur ákveður almennt félagsgjald fyrir næsta almanaksár.

Gjalddagi félagsgjalda er 1. apríl ár hvert. Heimilt er að greiða árgjald með jöfnum afborgunum að höfðu samráði við skrifstofu. Lendi félagsmaður í vanskilum með árgjald sitt er heimilt að láta hann bera innheimtukostnað auk vaxta.

Skuldi félagsmaður árgjöld tveggja ára getur stjórnin fellt nafn hans af félagaskrá að undan-genginni skriflegri viðvörðun. Félagsmaður öðlast félagsréttindi sín á ný þegar árgjaldaskuldin er að fullu greidd.

**Félagar búsettir erlendis greiða ekki félagsgjald nema þeir hafi gestaaðild í systurfélagi VFÍ. Ungfélagar, félagar sem eru í fullu námi, heiðursfélagar og félagar eldri en 70 ára greiða ekki félagsgjöld.** Stjórn getur tekið ákvörðun um eftirgjöf hluta félagsgjalds.

### 24. gr. Skrifstofa

Félagið rekur skrifstofu til þjónustu við félagsmenn. Stjórn VFÍ ræður framkvæmdastjóra. Framkvæmdastjóri ræður sviðsstjóra Útgáfu- og markaðsmála og annað starfsfólk skrifstofunnar í samráði við stjórn VFÍ. Framkvæmdastjóri ræður sviðsstjóra Kjaramála í samráði við stjórn Kjaradeildar. Framkvæmdastjóri ber ábyrgð á daglegum rekstri skrifstofunnar gagnvart stjórn og fer jafnframt með yfirstjórn Fag- og fjármálasviðs. Sviðsstjórar fara með sín málefni samkvæmt nánari skilgreiningu í starfslýsingu. Fyrir lok hvers starfsárs skal framkvæmdastjóri afhenda stjórn VFÍ framkvæmda- og rekstraráætlun fyrir næsta starfsár. Áætlunin skal unnin í samvinnu við og að fengnum tillögum frá stjórnnum Kjaradeildar og Deild stjórnenda og sjálfstætt starfandi.

### 24. gr. Skrifstofa

Félagið rekur skrifstofu til þjónustu við félagsmenn. **Stjórn félagsins ber ábyrgð á því að skipulag skrifstofunnar og skipting hennar í deildir eða svið endurspegli eðlilegar starfsskyldur skrifstofu gagnvart félagsmönnum og samfélaginu eins og þær eru á hverjum tíma.**



**Stjórn VFÍ skal ráða framkvæmdastjóra og ber hann ábyrgð gagnvart stjórn á daglegum rekstri skrifstofunnar. Nánar skal kveðið á um störf framkvæmdastjóra í starfslýsingu samþykktri af stjórn félagsins.**

**Framkvæmdastjóri ber jafnframt ábyrgð á starfsmannahaldi skrifstofunnar en skal bera ráðningu og starfslýsingar stjórnenda deilda og sviða undir stjórn til samþykkis.**

Fyrir lok hvers starfsárs skal framkvæmdastjóri afhenda stjórn VFÍ framkvæmda- og rekstraráætlun fyrir næsta starfsár. Áætlunin skal unnin í samvinnu við og að fengnum tillögum frá stjórnnum Kjaradeildar og Deild stjórnenda og sjálfstætt starfandi.

## **26. gr. Sjóðir**

Sjóðir sem samið er um í kjarasamningum skulu starfa samkvæmt reglugerðum sem samþykktar eru á aðalfundum. Í reglugerð hvers sjóðs skal tilgreina hlutverk sjóðsins, tekjur hans, hvernig verja skuli fé sjóðsins, hvernig stjórn hans skuli háttað og annað er sjóðinn varðar. Stjórn Kjaradeildar ber ábyrgð á, hefur eftirlit með og sér um ávöxtun sjóðanna. Réttindi félagsmanna til greiðslna úr sjóðum eru háð því hvort félagsmenn greiða til viðkomandi sjóða eða ekki.

Aðrir sjóðir félagsins eru í vörslu stjórnar félagsins og skal hún sjá um að þeir séu ávaxtaðir á tryggan hátt.

## **26. gr. Sjóðir**

Sjóðir sem samið er um í kjarasamningum skulu starfa samkvæmt reglugerðum **(sem samþykktar eru á aðalfundum)**. Í reglugerð hvers sjóðs skal tilgreina hlutverk sjóðsins, tekjur hans, hvernig verja skuli fé sjóðsins, hvernig stjórn hans skuli háttað og annað er sjóðinn varðar. **Reglugerðir sjóða og breytingar á þeim skulu bornar undir aðalfund VFÍ til samþykkis og fer um þær eins og lög félagsins, sbr. 28. gr.**

**Stjórn Kjaradeildar ber ábyrgð á, hefur eftirlit með og sér um ávöxtun sjóðanna. Stjórn Kjaradeildar skal, a.m.k. tvisvar á ári, halda stjórn félagsins upplýstri um stöðu sjóðanna og önnur málefni þeirra sem kunna að hafa þýðingu fyrir félagið, þ.m.t. um úthlutunarreglur, ávöxtunarleiðir og uppgjör sjóða. Réttindi félagsmanna til greiðslna úr sjóðum eru háð því hvort félagsmenn greiða til viðkomandi sjóða eða ekki.**

**Aðrir sjóðir félagsins eru í vörslu stjórnar félagsins og skal hún sjá um að þeir séu ávaxtaðir á tryggan hátt.**

**Skrifstofa félagsins skal annast daglegan rekstur sjóðanna eftir þeirri stefnu og fyrirmælum sem viðkomandi sjóðsstjórn hefur gefið.**

**Eignir sjóða skulu ávaxtaðar samkvæmt fjárfestingarstefnu sem samþykkt er af stjórn þeirrar deildar sem viðkomandi sjóður tilheyrir. Heimilt er að ávaxta eignir sjóða með eftirfarandi hætti;**

- 1. Með ávöxtun hjá bönkum og sparisjóðum.**
- 2. Með kaupum á ríkistryggðum verðbréfum eða skráðum skuldabréfum með sambærilegum tryggingum.**
- 3. Með kaupum í fasteignum tengdum starfsemi sjóðsins.**
- 4. Með öðrum þeim hætti sem stjórn viðkomandi sjóðs metur tryggan, að undangengu samþykki stjórnar þeirrar deildar sem sjóðurinn tilheyrir.**

**Stjórnir sjóða skulu ávallt gæta þess að viðkomandi sjóður geti staðið við skuldbindingar sínar og skulu á hverju ári leggja fyrir stjórn félagsins áætlanir um það efni, sem skulu ná**

til næstu fimm ára. Áætlanirnar skulu taka mið af stærð sjóðsins, úthlutunarreglum, fjárfestingarstefnu og mögulegum framtíðarskuldbindingum.

Fimmta hvert ár að minnsta kosti skal stjórn hvers sjóðs fá óháðan tryggingafræðing til þess að meta framtíðarstöðu sjóðsins og hvort sjóðurinn getur staðið við skuldbindingar sínar. Einnig er sjóðsstjórn skuldbundin til að leggja í slíkt mat við allar meiriháttar breytingar á reglugerð. Mat þetta skal lagt fyrir stjórn þeirra deildar sem sjóður tilheyrir.

### *29. gr. Félagsslit*

Félaginu verður því aðeins slitið að félagsslitin séu samþykkt á sama hátt og gildir um lagabreytingar. Félagsfundur tekur ákvörðun um ráðstöfun eigna félagsins.

### *29. gr. Félagsslit*

Félaginu verður því aðeins slitið að félagsslitin séu samþykkt á sama hátt og gildir um lagabreytingar. Félagsfundur tekur ákvörðun um ráðstöfun eigna félagsins **við þær aðstæður.**